

BELEID: LIDMAATSKAP AAN MEDIESE FONDSE

Die Forum besluit **eenparig** dat die volgende punte aan die Raad as beleid aanbeveel word:

1. Personeel is nie verplig om aan 'n mediese fonds te behoort nie.
2. Wanneer 'n personeellid bedank by 'n mediese fonds mag hy nie binne een jaar weer aansluit by 'n ander mediese fonds nie (verwys verlore kostes ten opsigte van Raadsbydraes).
3. Die lid (bestaande en voortgesette lede) het die keuse om enige persoon as 'n afhanklike te registreer (bv. ouers, grootouers en kleinkinders, kinders ouer as 21) op sy mediese fondse inaggenome die topperk wat jaarliks deur SALGA gestel word (huidiglik R2 238,27 per maand). SALGBC het weggedoen met die definisie van afhanklikes en dit beteken byvoorbeeld dat 'n enkelopende persoon nou sy oupa en/of ouma, 'n vader en/of 'n moeder, 'n suster en/of 'n broer as afhanklikes lys. Munisipaliteite kan egter by die SALGBC aansoek doen om vrystelling indien die bykomende koste nie geabsorbeer kan word nie (omsendbrief 138 van 2005).
4. Voortgesette lidmaatskap word slegs toegestaan aan:
 - 4.1) Personeel wie **aftree na ten minste 10 jaar diens by die Raad** en langer of personeel wie ongeskik verklaar word.
 - 4.2) Direkte afhanklikes (metgesel/gade, kinders) van 'n afgestorwe personeellid in diens van die Raad.
 - 4.3) Direkte afhanklikes van 'n personeellid van die Raad wie afgesterf het terwyl hy/sy 'n pensioenaris was en wie reeds ten tye van die personeellid se afsterwe as afhanklikes geregistreer was.
5. Enige onderbreking in die oorbetaling van premies deur lede sal veroorsaak dat voortgesette lidmaatskap outomaties verbeur word.

(AF14.6.2007/GR28.6.2007)

REGSMENING VANAF JASPER (SALGA - 3 MAART 2008)

Ek is van mening dat die **Artikel 57 persoon** nie aftree uit die Raad se diens uit nie, sy kontrak kom tot n einde. Hy het n alles omvattende pakket ontvang en was self verantwoordelik vir die betaling van sy volle mediese fonds bydrae. Die werkgewer het nie enige verantwoordelikheid teenoor hom na die beëindiging van die kontrak enige mediese fonds bydrae te maak nie.